



SAMOA I SISIFO

Faatulagaina o Aiaiga

Igoa	
1. Igoa puupuu ma le amataga	4. Tuutuuga o le nonoina mai o Tupe Amerika i fafo atu o Samoa i Sisifo
2. Faamatalaina o uiga o upu	5. Faaaluina o Tupe nono mai
3. Faatagaina o le nonoina mai le Faaputugatupe	

 1996 Nu.5

O SE TULAFONO e faatagaina ai le Malo e nonoina mai i le Faaputugatupe a le OPEC se aofaiga ia le sili atu i le lua miliona (\$2,000,000.00) Tala Amerika.
[13 Mati 1996]

UA FAIA e le Fono Aoao Faitulafono o Samoa i Sisifo i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o le Faatagaina o Faaunegatupe 1996.

(2) O lenei Tulafono o le a amata faamamaluina i le aso o le a tuuina atu i ai le Maliega a le Ao o le Malo.

2. Faamatalaina o uiga o upu - I totonu o lenei Tulafono, ae vagana ai ua manaomia le mataupu se i si faaupuga e ese mai ai-

"Faaputugatupe" o lona uiga o le Faaputugatupe a le OPEC

"Malo" o lona uiga o le Malo o Samoa i Sisifo.

"Minisita" o lona uiga o le Minisita o Tupe.

3. Faatagaina o le nonoina mai le Faaputugatupe-
(1) Ina ia tusa ai ma le Tulafono o le Pule Tau Tupe 1964, ua faatagaina nei le Minisita o Tupe, e nonoina mai i le Faaputugatupe i luga o le puipuiga malu o Tupe maua a Samoa i Sisifo, se aofaiga tupe ia le sili atu ma le lua miliona tala Amerika (US\$2,000,000.00), a o faagasolo le tausaga faale-tupe faaiuina i le aso 30 o Iuni 1996.

4. Tuutuuga mo le nonoina o tala Amerika i fafo atu o Samoa i Sisifo-(1) E ese mai ai i le Fuaiupu 40 o le Tulafono o Pule Tau Tupe 1964, ua faatagaina ai le Minisita o Tupe e nonoina ai i fafo atu o Samoa i Sisifo se aofaiga tupe ua faamaoti mai i totonu o le Vaega 3 o lenei Tulafono mai i se atunuu po o atunuu o le OPEC, i luga o ia tuutuuga i sea nofoaga mo le totogiina o tupe tului ma tupe autu, ma i ia ituaiga tupe, po o faamatalaga o tupe, ma i luga o ia tuutuuga i ia ituaiga tupe po o faamatalaga o tupe e mafai ona tuuina mai ai ni oloa ma i totonu o ia tupe tului, tupe autu ma so o se i si lava tupe malu puipuia ua faaalua mai lona fuaina i le, po o le totogiina ma le toe totogiina atu i totonu e tusa o lona iloa e tatau ai.

(2) E tatau i le Minisita ona faia se faamatalaga i le faatatauina o mataupu e manaomia ina ia fuafuaina i lalo o le Vaega 40 o le Tulafono o Pule Tau Tupe 1964, ina ia faataatia i luma o le Fono Aoaio Faitulafono i totonu o le 28 aso pe a maea le faataunuaina o so o se feagaiga o faaunegatupe faatagaina e lenei Tulafono, pe afai o lo o tauaofia le Fono Aoaio Faitulafono, po o a fai e le o tauaofia, i so o se aso o le uluai 28 aso o le Fonotaga a le Fono Aoaio Faitulafono e sosoo ai.

5. Faaaluina o tupe nono mai - So o se aofaiga tupe nonoina mai e le Malo i lalo o lenei Tulafono, o le a faaaluina mo le faamoemoe ma e tusa ai ma le maliega ua faia ai le nogatupe e pei ona faatagaina i totonu i inei, pe afai e totogi i totonu o ni faaputugatupe eseese mai ai po o faamatalaga tau tupe

ua filifilia e le Minisita o Tupe mo le taulimaina o
ia tupe e tatau ona avea ma tupe faale-tulafono e
tusa ai ma lea faaputugatupe po o faamatalaga o tupe.
